

枉自書符念呪徒泥紙上玄文不知身中造化譬如爆竹無火何以致響達人智士咸笑此人不知道法之妙徒事朱墨欲其靈驗其可得乎

天地人物

天地人物無非陰陽生育人與天地均體同然是可以參天地而贊化育也

一炁相感

天以炁下降地以炁上昇人之呼吸同天地之升降

古今聖賢

自古至今得道賢聖無非內積陰功外修實行方證仙階

一理貫通

此理人人具足箇箇圓成特患不能行爾古云勤而不過終遇至人遇而不勤終為下鬼

茫茫九州四方萬里

茫茫九州之遠孰得而窮焉四方動輒萬里何處尋覓真師弟子專師難師尋弟子

尤難常云尋箇好心人難得

何處尋師不如求己

吾身之中自有天地神炁之外更無雷霆若向外求畫蛇添足乃捨源求流棄本逐末也反求諸己清靜無為願神養炁何患

道不完法不靈耶

掌上玄機

人能明此歌中妙用真是乾坤歸掌內晴

雨不由天

智中奧旨

智藏奧妙之機應變無窮即此歌中之旨

勉乎好學吾言畢矣

後進好學之士依此操修幸勿生疑此言快不誤人何處別去尋求非人勿示會得箇中之意得真傳者莫非宿幸得之而不

修者乃自暴自棄也得之而自信不及不能行者無他乃宿世惡業之深急宜速修

把此心一旦改了無不成就也如得此文而不行即係竊竊道法其罪尤甚勉之

道法會元卷之七十

道法會元卷之七十一

虛靖天師破妄章

道生天地

混沌未分先有道道無形色亦無情自然化育生天地天道輕清地道寧

天地生人

道生天地始無名分別陰陽立五行人位其中靈萬物又從天地道生成

人稟陰陽

三才天地人同然人稟先天一炁靈一炁具身名曰道感通天地及神明

一炁生三

一真真外更無真祖炁通靈具此身道一生三生妙用元精元炁與元神

人身三寶

元精元炁與元神三者無形亦有形運用得傳真可見光明無極是分明

一炁相關

雷乃先天炁化成諸天先聖總同真我身一炁相關合同祖同宗貼骨親

以心合神

真心動處合雷機神合神兮妙更奇只此更無差別處如磁吸鐵不相違

法即是心

此心心外更無法况訣符圖妙合心心合將靈為妙用靈光一點便為靈

神可通天

元神直捧一封書一道寒光射太虛徑達玉京金闕去玄恩星火下天衢

呼天叱咤

叱咤望空將令打不識元神召使者天高星遠豈能聞從他之乎并者也

金光召雷

金光燦燦照雷城百萬雷兵稟令行不用符圖并况訣旱天能雨雨能晴

妄想行持

不悟陰陽闔關機想存作用總成癡雷符燒盡千千紙雨澤何曾一點施

真念降魔

降魔何處是工夫中有元神靜定居慧劍揮

時神鬼伏便教禍害自消除

心妄鬼欺

妄念紛紛且失真符圖况訣費精神鬼神一見嬉嬉笑打石拋磚更害人

祖炁陽精

先天祖炁至陽精鍊盡陰魂一性靈九轉玄功成頃刻陰陽交媾結胎嬰

辯真陰陽

真陰真陽既不識水可浴兮火可炙靈光一點不分明受度亡魂有何益

南昌非心

玄關一竅有陰陽心腎元非水火鄉寄語鍊師高著眼莫將心府作南昌

普度有法

普度工夫又不同金光燦燦照羅鄴黍珠一顆空懸處太極還歸無極中

取炁不同

味和自家元炁主妄想天罡對空取恰似騎牛去覓牛此等之人何足語

不識元神

召將先轉令一聲令聲驚起我雷神緣何不見元神面只為元神昧本真

印須心印

心印相傳付有緣令人刊木不知玄祖師心印相同處顯顯光明徹九天

靈光一點

書符道妙起工夫委聚毫端篆作符者相思為并况訣得來只是墨和朱

先天字號

號頭用處須天篆元是真人按筆書倉頡後天塵世字用之總是惑迷惡

妄想陰陽

陰陽吞啖運符中心腎盈虛黑與紅一箇乾坤如許大這些伎倆豈能通

腎中一點

兩腎中間一點明癡人守此欲通神誰知此處皆陰炁若比陽晶隔萬程

心下元神

人言心下一包空精炁元神聚此中何事癡人容易惑蓋緣不識主人翁

膽非雷府

妄將膽府作雷霆勢勢膨膨起震驚擊破琉璃
琥珀子後何曾聞得有雷聲

誤指雷霆

一陽生處地雷復外腎應非雷所居穢濁聖
賢難感悔將來必定受雷誅

七事純陰

心肝脾肺腎膽府嗟呵啞呼吸取父母後
生陰濁炁如何可以祈晴雨

不辯真陽

淨唾精津炁血液七件皆陰總無益身中只
有一陰陽江湖多少無人識

穢炁觸真

有言臍下寸三分作用金光此處存豈識此
中陰濁炁運成穢濁不堪聞

似是而非

妄言一竅在眉心直入三分可許深誤殺世
人真可笑如將鑰石作黃金

錯認後天

臍輪後與腎相連兩處空空總後天若問先

天玄妙處除非得遇至人傳

雷動無時

動雷有用雷霆般又算停星日月時如此天
機容易測雨晴何用法來祈

邪能感正

幾多道眼不能明役將祛神軀現形只為身
中無主宰陰魂假託姓名靈

當明真要

一負神將數階法都是宗師撰造成更過數
年都是做行符咒水豈能靈

作用兩符

道法難忘咒與符必須道妙兩相符先天道
妙工夫到咒訣符圖可有無

道本法體

法行大道合先天咒訣符圖總是玄至道者
然無所得符圖咒訣也徒然

萬法歸一

道生于一復何疑可以無為可有為萬法本
來歸一處何分正一與清微

造化在我

本質雖殊炁不殊當於親處下工夫人身大
抵同天地造化陰陽總屬吾

兀坐頑空

無心兀兀坐多年將謂神仙已有緣不解龍
吟并虎嘯但知枯坐也徒然

三教一理

滯貨西天賣不行挈來東土誑羣生些兒家
醜都揚盡堪笑時人無眼睛

符中妙用

頑石中空藏白玉縱然見得先生目太陰元
是太陽精初八上弦圓十六

因玄生謬

本為同門共指迷上根一覽悟玄微若將此
向愚癡說生謗生嘆總是非

道法會元卷之七十一